

Gvangjsih Minzcuz Bau

Cawiguenj: Gvangjsih Bouxcuengh Swcigh Minzcuz Cunghgvau Swvu Veijvenzvei

Cawibanh: Gvangjsih Minzcuz Bause

Geiz neix 8 bani

广西民族报 Aenhauh okbanj: CN45-0036 B.2025 Nd.4 Ng.16 Liggaueq ietceih nienz ndwensam cibgouj Geizsoq: Gungh daih 3664 geiz

Cinz Gangh Youq Hozciz Diuyenz, Daegbied Gangj Daengz Aeu Baengh Nungzvwnzlij Yungzhab Hwngfat Coenghrenez Guhhoengh Lajmbanj Liuxliux

4 nyied 11 hauh, Swcigh Dangjveij suhgi, Swcigh Yinzda Cangzveijvei cujyin Cinz Gangh bae Hozciz Si Ginhcwnzgyangh Gih diuyenz, daegbied gangj daengz aeu haeujlaeg doekguh gij lwnhgangj youqgaenj hong “sam nungz” caeuq gij iugouz youqgaenj lwnhgangj hong Gvangjsih Siz Ginbingz cungjsuhgi, dingjmaenh caen guh daih’it, cauh-moq guh hoenz, aeu cingzcik gangjvah, hawj bouxminz bingzgyaq, cienzswnj giyhinh saekhoengz, ca ndei hong “sam nungz”, laebdaeb gyamaenh haigvangq yiengh saeh-baenz gungzhoj duetgungz aeundaej, haenqrengz doinyoengx nungzvwnzlij yungzhab hwngfat, coenghrenez guhhoengh lajmbanj liuxliux, caezhoz gaprengz ciuq yiengh ceiq ndei bae guh, haenqrengz guh ok gij goengrengz hungloet Gvangjsih yendaiva yiengh Cungguek.

Hozciz dwg aen dieg geq gwzming mizmingz, dwg aen dieggoek nungzminz yindung Gvangjsih, dwg dieg Dwng Siujbingz, Cangh Yinzviz, Veiz Bazginz daengj gwzminggyah

banlaux guhhong caeuq hoenxcienq gvaq. Youq Ginhcwnzgyangh Gih Hozciz Cin, Cinz Gangh gonqlaeng yawjngonz laeuzbyauhyij Hozciz Hungzginh caeuq aen geiqniemhguenj cingjbien Hozciz Hungzciz, Hungz-bazginh. Diuz dem diuz byauhyij raizva, mbaw dem mbaw siengq lizsij, aen dem aen ciengzgingj singisien, cungj lwnhnaeuz gij ndwenngoengz hwnzgoengz hoenxcienq haenx, youh caiq yienh’ok gij ciengzgingj gwzming banlaux buekmingh hoenxcienq. Cinz Gangh nyinhcaen dingq gejgangj, ciengzseiz daengx din cimyawj, ciengzsaec cam mizgven cingzgvang, daengq aeu henhoen ndei gij swhyenz lizsij saekhoengz, gangj ndei gij gojgaec saekhoengz. Cinz Gangh naeuz, lizsij dwg cek sawsonhag ceiq ndei, aeu yungn ndei gij swhyenz saekhoengz dieg geq gwzming Coj Yougyangh, cienzswnj ndei giyhinh saekhoengz, baengh aen sim “baenzgoeng mbouj itdingh baengh gou” caeuq gij dangrap “baenzgoeng itdingh miz gou”, byaij ndei diuz roen cangzcwngh

seizdaih moq, caezhoz comz rengz hwnqguh aen Gvangjsih maenghndei seizdaih moq, haenqrengz cauh gij cingzcik moq doiq ndaej hwnj gwzming banlaux maqmuengh, doiq ndaej hwnj lizsij caeuq bouxminz.

Ginhcwnzgyangh Gih Saek-hoengz Fungfeih Nungzvwnzlij Sifan Hanghmoeg yungn “giyez + dieggiek + nungzhu” doengh gij vunqsik neix, hwngfat aen dieggiek haeux-liengz(byaekheu)+makdumh, boiq miz gij canjyez gyagoeng doxgaiq reihnaz, ciuq saed dingh geiq hwngfat baeyouz lajmbanj, guh baenz bouxguhnaz lai miz ngaenz roengzdaeh, lajmbanj ndaej doxbae. Ngoenzhaenx, youq Ginhcwnzgyangh Gih Saekhoengz Fungfeih Nungzvwnzlij Sifan Hanghmoeg dangciengz, Cinz Gangh nyinhcaen dingqaeu cingzgvang gaisau, ciengzsaec roxyiuj dangjien coi guhhoengh lajmbanj caeuq nungzvwnzlij yungzhab suen doenghnaz cunghab, nungzyez miz daegsaek daihneix hwngfat ndaej baenzlawz. “Makdumh hangzgyaq gaen geijlai ngaenz?” “Doxgaiq cujyau gai

bae gizlawz?” “Ndaej hawj henzgyawj geijlai ranz miz ngaenz roengz daeh?” Cinz Gangh byaij haeuj aen bungz ndaem makdumh, caeuq giyez boux fucwz gangjgoj, nyinhcaen cazyawj makdumh maj ndaej baenzlawz yiengh, mbaetsou baenzlawz yiengh, haengjdingh gij guhfap giyez lai yungn yinzgung cinwngz coenghrenez nungzyez hwngfat. De daegbied gangj daengz, aeu gyaak dangjien dazyinx, lai hwngfat nungzvwnzlij yungzhab yiengh moq, haenqrengz guh gij canjyez miz daegsaek lajmbanj, gungganq guh hung nungzyez giyez, gyalai rengz aeu gohgi bae bang guh nungzyez, coenghrenez nungzyez daihneix ciuq yiengh ceiq ndei bae guh, cien fueng bak geiq doinyoengx nungzyez lai raenhamq, lajmbanj lai hoengh, bouxguhnaz lai miz ngaenz, laebdaeb gyamaenh haigvangq yiengh saehbaenz gunghoj duetgungz aeundaej, doinyoengx guhhoengh lajmbanj liuxliux.

(daj 《Gvangjsih Yizbau》 aeu daeuj genj hoiz Loz Canghlieng)

Bi 2025 “Sam Nyied Sam” Gvei Denh Genz “Hawfwen Beixnuengx” Doxdax Youq Baksak Guh

4 nyied 13 hauh, bi 2025 “sam nyied sam” Gvangjsih Yinznanz Gveicouh “hawfwen beixnuengx” doxdax youq Baksak guh. 18 aen doihfwen Gvangjsih, Yinznanz, Gveicouh caezcaemh ciengqgok fwen haenh seizdaih moq.

Baez doxdax neix miz gagciengq, siujcuj ciengq, song boux ciengq, yozdui yienjciengq doengh gij hingzik neix, gyoengq canghfwen ciengq seizdaih doxbae, ciengq minzcuz doxgiat, aeu diuz fwen mbouj doengz diuh caezcaemh angqho “sam nyied sam”. “Haemhneix dou dwg ciengq 《Mbanjmyauz Vahai Caj Mwngz Daeuj》, dwg naeuz Mbanjmyauz ngoenz bienq gvaq ngoenz, maqmuengh gak cuz beixnuengx lai daengz Mbanjmyauz guh hek, hix maqmuengh gak minzcuz ndaej lumj ngveih sigloux nei gaenjdaet doxlien.” Yinznanz Swngj Vwnzsanh Bouxcuengh Myauzcuz

Swcicouh canghfwen Danz Yozgaij naeuz. Gveicouh Swngj Genzsihnanz Buyihcuz Myauzcuz Swcicouh canghfwen Loz Dingzveij naeuz: “Daeuj daengz Baksak, dou roxyinh daengz gak cuz beixnuengx yiedcingz lai, dou ciengq fwen samdiuh Gveicouh hawj bouxminz Baksak, caemhcai hix maqmuengh ndaej caeuq gyoengq canghfwen gak dieg lailai baedauq, caezcaemh hawj fwen minzcuz guh baenaj.”

Geij bi neix daeuj, Baksak Si baengh minzcuz vwnzva, heuhcomz guh yienghsaeh minzcuz vwnzva doxgyau Gvangjsih Yinznanz Gveicouh sam swngj(gih) lai ciengz gvaq, miz fwen doxdax, langhbaij ndangdaenj minzcuz, diyyuz doxdax doengh gij saeh neix, laebdaeb doinyoengx sam swngj(gih) gak cuz beixnuengx doxcunz doxgyau doxyungz.

(Liengz Liswngh)



Lozcwngz: Ndawhag Lwnh Son Guekgya Ancienz

4 nyied 11 hauh, mwh aen daihcib “ngoenz son guekgya ancienz daengz biengz” yaek daeuj daengz, Lozcwngz Mulaujcuz Swciyen Daihngaih Siujyoz Gyauyuz Cizdonz guh yienghsaeh ngoenz son guekgya ancienz, doenggyaq yawj sibinz, guh veh, fwngz cau bauq doxdax doengh gij saeh neix, hawj lauxsae hagseng ndawhag lai rox gij sawsa guekgya ancienz caeuq lai rox fuengzre ancienz, cukmaenh fajciengz ancienz. Ndaw doz dwg hagseng cingq guh veh.

(Liu Gvanghfuz ingi)